

生天上快樂無極若在人中聰明殊勝我於無量劫中見諸眾生從闇入明昏塞迷悶不能解悟有諸眾生從闇入明知識知見有諸眾生從明入闇捨真入偽不識道法有諸眾生從明入明真如滿月若或一切或因惡業成就或因貪慾嗔恚愚癡是業深重必墮地獄受諸惡報如是之人若能發心修身修戒行種種法知省知悟不墮地獄懺悔發露所有諸惡今日懺悔既悔之後於今已去更不敢作慚愧成就脫離三惡道供養三寶以是因緣不墮地獄獲大善利種種果報莊嚴其身得天妙相清靜自在如青蓮花具足果報若或生不信想起一切惡業諸罪皆至所求不得所願不遂所作不成所望不至種種愁憂非是一端受如是等無量之苦現世受報無量大惡大智大慧真人乃見是人不知因緣不能懺悔不自省思不自悔覺不生慚愧無有怖懼是罪增長地獄受報解脫何期長夜冥冥苦毒備經如是眾生亦有道性為諸煩惱之所覆蔽不能得見光明智慧無量功

德猶如闇夜所見不真所謂世間男女若識若不識若去若來若彼若此舍宅城村衣裳飲食山海林木眾生壽命皆是道本無有他相無有他色大妙純一至寂無為永生永樂無有障礙大通圓滿而說偈曰

我於是時明大智慧說諸微妙示諸眾生得聞是語令其堅固故行無厭真心清靜歡喜無悔無所怖畏不內不外不嗔不怒如此之時無有顛倒是諸性相無礙自在

太一經靈符

靈符
靈符
靈符
靈符
靈符
靈符
靈符
靈符
靈符
靈符

玉清境太一經

玉清境妙林經第四
諸大法海無量無邊大周法界無有窮盡種種法本功德即是

天尊無限智慧實非賢智能明是因得如是法無有障礙無有轉動無所怖畏於一法中作種種名經無量劫說不能盡善哉是法不可以智不可以賢是法至妙不可得聞一切凡夫取著於色乃至看色則生貪心故為繫縛則不能免生老病死憂愁大苦一切煩惱以是因緣得聞是法免離諸難無量眾生俱得解脫若復有人一生以來多諸罪障業報深重不聞是法名為魔鬼纏繞其身乃至一身終不能脫若不懺者即脫魔鬼亦如世間有罪之人為官枷械無罪之人官不枷械汝等一切亦復如是有所著者魔自繞身無所著者魔鬼速之常生自在所著自然離諸色相離諸塵網無復有諸煩惱相無復有諸障礙相得法自在種種利益亦復如是從道得法無有他說無有異念離欲自然得真寂滅一切諸法微妙光艷猶如重寶莫可稱量汝

等若復見聞轉轉教人行諸方便咸使見聞甚深妙義真實言語令深信者各得受持無量眾生發無上道心然後為諸天所宗恭敬供養難可思議真實明了決破諸疑辯論真偽玄妙無極當爾之時有百千萬億真仙道主而在坐中總持正法已成無量具足六通大智轉入法輪為無為之品不可思議無上正真難可譬喻上得之真應見下方無量之形適諸國土引接眾生未嘗暫捨若復有人發無上道心所行種種利益無邊智慧更於道果種種奉持雖形無相其理甚真雖名無體其用甚真能知是法壽命長久修行功德無有懈倦即於此時常勸於眾生莫生怨想莫生怨想無有貪著無有夢想無有邪見皆得真實具足正性而說偈曰

妙林經靈符

若生邪見是不信空 諸漏諸塵從何而有如其本有鳥得無為 若其今有云何得生為是緣生 為是寄生 為無因生 為是共生 離諸問答等既無生 故知非有不可思議



玉清境妙林經

玉清境開化經第五

道範數張開度群品俾登道岸故於是法廣宣教化令一切眾生修諸功德汝若如是於是法中得壽命長所以者何善知因緣諸方便法令未來一切眾生種種善根是故令知諸法假生度生故令諸世間懃行三業修福果行故復有十仙九十六種俱其眷屬所來悉至同共道場成就功德如於其中調伏其心如是外來恒以一心求於功德說是法時得聞是事心生歡喜各各相謂言語嗚咽如

是聞道未曾有也難可得遇復於是時無量至真上聖至真大神無量真人無邊聖眾廣及十方大週法界如是之眾不可悉記以其先緣令得會遇俱在坐中即自思省思於經法求於法身捨難捨身復於音聲歌誦聖德香花讚歎種種所行盡皆如意以為供養無上尊者即於是時俱入香淨即於是時無礙解脫得不思議得善果報常得法輸入不退行常生法地得是事已心得聞法了解苦空無常無我常樂我淨既聞法已各率眷屬而還本土如是眾中復有解脫知見妙理得法宗本十二因緣辯了三相如見說法得道得果得因得緣無量妙通輪神入定了說無漏智慧善信方便謂是大慈入空寂定不可思議如是眾中有善能希有之法於眾坐中解脫法要甚難可得甚難可得甚深之義於其大眾各各勇猛歡喜踴躍讚嘆無量咸稱果報能於此時尊所聽受勝法甚善解悟欲悟未見大慈大悲威儀所行悉皆同等發悟未知與其方藥如是希有難得果實我等眷屬